

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 23. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24), a u skladu sa Programom utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 0001, pozicija „Tekući transferi i drugi tekući rashodi“, broj: 02-11-1746/24 od 26.01.2024. godine, na prijedlog Ureda premijera, Vlada Zeničko-dobojskog kantona, na 32. sjednici, održanoj dana 21.06.2024. godine, d o n o s i

ODLUKU

**o odobravanju sredstava učenicima generacije osnovnih i srednjih škola
u Zeničko-dobojskom kantonu za školsku 2023/2024. godinu
iz Programa utroška finansijskih sredstava sa razdjela 11 – Ured premijera, budžetska
organizacija 01, potrošačka jedinica 0001, Budžeta Zeničko-dobojskog kantona
za 2024. godinu, pozicija „Tekući transferi i drugi tekući rashodi“**

Član 1.

(Predmet)

Odobravaju se sredstva u iznosu od 48.000,00 KM (slovima: četrdesetosamhiljada konvertibilnih maraka) učenicima generacije osnovnih i srednjih škola u Zeničko-dobojskom kantonu za školsku 2023/2024. godinu iz Programa utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 0001, Budžeta Zeničko-dobojskog kantona za 2024. godinu, pozicija „Tekući transferi i drugi tekući rashodi“.

Član 2.

(Analitika konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), sa razdjela 11, Ured premijera, budžetska organizacija 01, potrošačka jedinica 0001, ekonomski kod 614200, subanalitika (BCD201), pozicija „Tekući transfer za posebno nadarene i talentovane mlade“.

Član 3.

(Uplata sredstava)

(1) Odobrena sredstva iz člana 1. ove odluke isplatit će se na transakcijske račune učenika osnovnih i srednjih škola, u iznosu od 500,00 KM (slovima: petstotina konvertibilnih maraka) po učeniku.

(2) Maloljetnim učenicima isplata sredstava će se izvršiti na transakcijske račune roditelja odnosno staratelja.

(3) Isplata sredstava će se izvršiti na osnovu dokumentacije i spiskova dostavljenih od strane Ministarstva za obrazovanje, nauku, kulturu i sport – Pedagoškog zavoda.

Član 4.

(Realizacija Odluke)

Za realizaciju ove odluke zadužuju se Ured premijera, Ministarstvo za obrazovanje, nauku, kulturu i sport – Pedagoški zavod i Ministarstvo finansija, svako u okviru svojih nadležnosti.

Član 5.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-11617/24

Datum, 21.06.2024. godine

Zenica

PREMIJER

Nezir Pivić

DOSTAVLJENO:

1x Ured premijera,

1x Ministarstvo za obrazovanje, nauku, kulturu i sport,

1x Ministarstvo za obrazovanje, nauku, kulturu i sport

– Pedagoški zavod,

1x Ministarstvo finansija,

1x Ured za borbu protiv korupcije Zeničko-dobojskog kantona,

1x „Službene novine Zeničko-dobojskog kantona“,

1x a/a.